

OMUKUETU

No. 1 — 2

Januari — Februari

1953

OMUDO UEFILONKENDA UOMUENE.

Luk. 4: 16-19.

Jesus eshi. okue liholola oje euanifo uomaudane-ko maua a Tate Kalunga paeedjovo domuhunganeki Jesaja, okue va kuatela kumue moshilonga shaje eshi shokuudifila ovantu omudo uefilonkenda uOmuene.

Osho oshilongo sheulu osha ehena popepi sho shi mone ontele meemuenjo detu, Omuene uasho Jesus eshi e uja.

Onke hano ote tu lombuele no nena eli ondaka jaje injenje jekuafo lovfationa. Heeno, oikuafifo jetu aishe nojopalutu nongashi eenkono dokulonga jo ohatu ji tambula meke la Kalunga, ndele ne eshi osha uana oku tu hafifa komesho aishe osho ombili jomumenjo Jesus okua hala oku i tu pa efiku keshe.

Ombili ei ohatu dulu ngahelipi oku i peua? - Otetetete Jesus okua hala okutonatifa omesho etu omeni fje tu dimbuluke oulunde uetu hau tu lidingile ngenongo ile ngombome. Oshili, okutala ouii uetu u fike apa itaku tu hafifa, ndele ne Jesus okua hala okutui-kila oshilonga shaje je e tu mangulule meemango odo.

Ndele kala ue shi shiva kutja omutondi satana ou a hala ove u kalelele meemango dinja, oha jelekele ngaho oku ku pukifa, ove u he litavele Omukulili uoje, nandenande. - Ou nokutonata hano u tambule ekuafu la Jesus.

Satana oje omuhepeki muii mokupangela اونجوني kuaje. Ndele Jesus okua hala oku tu kufa mo, fje nave, moshilongo eshi shomahepeko ndele oku tu pa ontele moshilongo shaje shehafo lihapu. Fje tu kale ngaho mounjuni ou ndele ne ha vounjuni ou. Opo tu mone shili omudo uefilonkenda uOmuene.

Ashipala.

(Omukuluntutumua)

HO NJANJUKILUA SHIKE?

Luk. 10:17-22.

Ongundu jaatumua, aalongua ja Jesus ja galuka nokunjanjukua no ja hokololele Omuua enjanju ljauo. Ja li ja njanjudua koshike ano? Pamue ji ilikolele o-maliko omanene nenge esimano ljuujuni? Aue, hasho she ja njanjudua. Oja njanjukilua ejambeko ljiilonga jao. Ja njanjukilua oonkondo d'Omuua da holokele miilonga jao. Oonkondo doka d'Omuua ode ja holokele ngini? Oje di dimbulula uunene mpoka oombepo oompuiduli sho da sindika kujo omolu edina lj'Omuua. Osho oshikumica osinene momoho gauo. Onke ja hokololele Omuua, ja ti: „Omuua, noompuiduli oda vulika kute omolu edina ljoje.”

Ano aatumua mbejaka j'Omuua oja longo iilonga jao medina lj'Omuua. Iilonga jao no ja jambekua k'Omuua. Inaa longa osima. Ejambeko ndjoka no lje ja njanjudua. N'Omuua muene a fa a njanjukua pamue naalongua je, ngashika oohapu de tadi tu hololele. Tala ooverse 18, 19, 21 montopolua tuu ndjika. Omuua

okua njanjukua, omutondadi sho a sindika naapika je o, endji sho ja manguluka mo muupika.

Omukriste omukuetu, otse nangoje uo tua ningi aalongua ja Jesus naatumua naahokololi je muujuni mbuka. Oje muene okue tu icana nokue tu hogolola, tu kale oonzapo de. Iilonga mbika tue ji peua k'Omuua guetu ohatu ji longo ngini? Ohatu ji longo tuu nenjanju nokuhokua? Ohatu ji longo tuu medina lj'Omuua nokulalakanena esimano lje? Nenge pamue hatu longo nomajemato nomangungutulo nokulalakanena esimano ljetu jene?

Ngele tu li po tu hole shili Omuua no tua dimbulula shili, oje okua li e tu hole tango nokue tu kulila niikulila iidigu onombinzi je ondjapuki, ohole ndjoka ja Kristus otaji tu ciminike oku mu hola noku mu longela nenjanju. Omuua no ta jamteke iilonga jetu, natse jene tatu jambekua e tatu njanjudua k'Omuua.

Omuua Jesus okua lombuele ihe aatumua je, ja njanjukilua ejambeko ljiilonga jao: „Inamu njanjukilua sho a oombepo sho tadi vulika kune, njanjukilue-ni omadina geni sho ga njolelua megulu.”

Oohapu d'Omuua otadi ti ngini ando? - Onoohapu dika Omuua okua hala oku tu penduca noku tu minikila naua, tu dimbulule elago, elago enene li vule esindano ljokusinda oompuiduli, ljo li vule omalago agehegehe nokuli. Elago ndjoka oljashike ano? - Omuua ota ti: „Omadina geni oga njolelua megulu.” Otashi ti: One aakuagulu, kaandjeni omegulu, „uukuashilongo ueni ouomegulu,” (Fil. 3:20) one omua tsejika megulu, mua dimbulukiua megulu, „ne kamu shi ue oondjendi naakuilongo, - - - one aanegumbo ja Kalunga,” (Ef. 2:19) „ezimo lja hogololua - - - noshiguana oshijapuki.” (1Petr. 2:9).

Omukriste omukuetu, elago ndika oljo enene li vule omalago agehe, ljo kali shi ljokacimbo kouala, aue, oljaaluheluhe. Elago ndika olja guana shili okunjanjudua omuenjo guomuntu nokunjanjudililila no nena nomasiku agehe no sigo aluheluhe.

Elago ndika oljalje ihe? -- Oljaana ja Kalunga. Ojo oolje? -- Omboka ja valulua komeja no k'Ombepo Ondjapuki, (Joh. 3:5) no kombuto ndjoka ihaji hulu po, okoohapu da Kalunga. (1Petr. 1:23) Omukuetu, ua valulua tuu? Pamue to ti: Onda njengua. Enq, oshili, otashi njengana, tashi njenge omuntu kehe, ihe itashi njenge Kalunga n'Ombepo je Ondjapuki. Evalu-lulo kali shi oshilonga shomuntu, aue, osha Kalunga muenemuene no sh'Ombepo je. Otse otatu pulua ezimino alike netaambo ljokutaamba omaganohenda ga Tate Kalunga ketu. (Rom. 6:23, Tit. 3.4-7) Taga taambua ihe ngini? Onokuitaala Omuua Jesus Kristus no-kuigandja kuje mevuliko ljeitaalo. (Gal. 3:26, 27, Joh. 3:16, 36, Iil. 16:31) Omaganohenda ngaka no tue ga longekidilua atuhetuhe k'Omuua Omukulili guetu. Omukuetu, ue ga taamba tuu? Taamba, taamba, eci-mbohenda manga li li po. Omukuetu, hasho sha guana edina ljoje sho lja njolelua moramata jegongalo ljaandjeni, aue, ongele lja njolelua no tali kala moramata jomuenjo megulu osho ashike sha guana. Noshu sha guana oku ku njanjudua shili no nena naaluheluhe. Eno, elago ndika oljo enjanju lja shili ljaana ja Kalunga.

Aana ja Kalunga aakuetu, tu kotokeni ihe omadi-

na getu gaa dimue mo moramata jomuenjo megulu. Aatondadi aadudu opo je li, osatana nuujuni nonjama jetu jene, ja hala oku tu juga elago ljetu ndi. Ja hala oku tu kuca m'Omuua, omadina getu ga dimue mo moramata jomuenjo, tse tu je pamue najo mekanero ljaaluhe, (Ehol. 20:15) mefuta ljomulilo, moka tamu kala elilagano neikokoto ljomajego. - - - Tu kaleni tua dama Omuua. Oje ehupico nelago ljetu. Omauuvane-ko ge no taga guanicilua no mutse. (Ehol. 2: 17, 3:5.)

Ihe elago ndika sho tu li na m'Omuua no tu li shi noku li njanjukilua, inatu dimbueni nokutja elago ndi nehupico Omuua okue li longekidile aakuetu uo noojakuetu, okue li longekidile aantu ajehe. Omuua nokua hala li tsejicilue aantu ajehejehe kombanda jevi alihe. Tu zimineni ano shili, tu kale aatumua naahokololi j'Omuua nokutsejicila aantu aakuetu elago nehupico ndi. Tse tu shi ningeni nenjanju nokuhokua nuudiginini. Enjanju nelago li taandele naahupicua ja indjipale, nehambeleso nesimaneko l'Omuua li uudice egulu nevi alihe.

IIPONGA JOME PAPUDUKO!

Aakuetu nel Oku niiponga ojindji ngele oomuenjo doka da tidua oompuiduli inadi lalua ku Jesus Muene. Oshoka satana nge ta galukile mo, omuntu ota ningi nduno „Nangolo“ - malua manene - iihuna. Ino tja satana okua panda sho ua mangululua, aue, okukuga kue sho a zi mu ngeje itaku mu pe evululuko nande. Mat. 12: 43-45. Onke nge ta galukile mo te ja, okua ngunja nee, ihe ote ja molupe luomujengeli gueadimo, noluomujapostoli gua Kristus. Tala 2 Kor. 11:13,14, oshoka satana ta longica aantu aana-majele opo e ku pukice, ihe nge ita vulu e ku jule moluhondelo muufuci n. sh. t., nena ota vulu e ku pukice moondjodi ncmomamoniko ngashi uo momahololo.

Omupapuduki ngoje kotoka uaa tunge omukanka gueuvico ljoje koondjodi nokomamoniko goje, oshoka „kaku na ngoka ta dike omukanka gulue, o guo tuu nguka gua dikua o guo Jesus Kristus.“ 1 Kor. 3: 11. Evangeli itali tumbula Jesus otali cingica omuntu. Gal. 1:8-9. Omuvici ne ece jilue a tseje Jesus. 1 Kor. 2:2. Mondjodi ngele oua kugu iilombo taji ku fundjaleke kutja oto lika. Nge to jolo iilombo taji ku jolica, ou shi ope na sha shoshili?

Eeno, ite dini omamoniko geni, ihe ondjodi nenge emoniko oli noshilonga ku muene ha kaantu jalue u-nene, okoogumue.

Paulus oje a tedulucua kemoniko, ihe okua mono omamoniko ogendji, ndele inaga ninga omukanka gueuvico lje. 2 Kor. 12: 1-10. Ope na jamue taa hokolola omamoniko noondjodi nenge omahololo, ihe otaga kondjica Ombibeli Ondjapuki, nenge oojene jago inaa hala okutoola sha m'Ombibeli ja fa Eck. Aue, itatu zimine aapukici mbano. Emoniko ljoje ngele inali tsa kumue n'Ombibeli nena itali zi uo ku Muene gu'Ombibeli, oshoka EHUKU n'OMONGO n'OLU-TE luEVANGELI OJESUS KRISTUS AUIKE TI.

Omuenjo ngele itagu lala Omukuanilua guakuanilua n'Ohamba joo hamba, omutondadi ota galukile mo, nangoka a pukicua nemoniko ku satana oku vule ngoka a pukicua kuujuni nokonjama je muene, onke tatu pumbua Omuhupici Jesus Omuna gua Kalunga.

Kalunga na ukice ondjila jetu kuje, opo tu ninge je, muka nomujamba ue aluheluhe, Amen.

J. Amakutuua.

OJE TU TALELE PO NEVANGELI LJEHUPICO NOLJEMANGULULO.

Luk. 4:18-19. Jes. 61:1-2.

Ojo oolje - noja zi peni? Ojo ongundu jaakriste ja zi ku Elim noje ja okutalela po egongalo ljaandjetu Okalongo nevangeli lje hupico noljemangululo. Elaka l'Omuua lje ja ciminike koomuenjo dauo noja njengua okumuena na shoka je shi mono, onke je ja kutse. Jes. 49:6, 8, 9, 18. Netalelopo ljauro oljo lja ningi shili kutse ejambeko enene lja Kalunga. Ojo oje tu uvicile evangeli l'Omuua. Ja pacana omalufu ja landulacana naua. Ihe aapopji ajehe ja uvica oje nelalakano limue alike oljo: oku tu ulukila luoku Golgata okomushigakano gua Kristus Jesus. Oondio adihe tadi jogua po omombinzi ja Kristus. Ef. 2:1-10. Jes. 53:4-5. Rom. 5:1-6. Heb. 10:16-18.

Elaka ljomushigakano lja tukuluca shili oomuenjo daakriste. Tango tua fa katu uviteko, ihe nampaka uo Omuua a ningi omusindani, nokua kuata oomuenjo daakriste. Otse notua dimbulula eadimo l'Omuua lje ja po putse, ihe ta tondo shili shoka sha nik'onjata juulunde. Jes. 1:16-17. Eps. 5:5, 51:11. Nena natse uo tua mono shili nkene ohenda onene ja Kristus je tu kongo otse mboka tua kala moondjo nomomuzile gueso. Ojendji jomaakriste aakalongo ja hempulula oondjo dauo noji itedulula shili nokulilila oondjo nomajonagulo gauo noje di fala pekota ljomushigakano gua Kristus Jesus okombinzi jomusindani, oKristus. Heb. 12:22-24. Heb. 9:14, 15, 28, 2:10. Nena na ngame uo nguka nda kala ecimbo eleleka muulunde nomoondjo nonda li shili omutondi guomushigakano gua Kristus, sho nda kala mokuguanica iihuna ajihe juulunde nomuukolokoshi auhe uulunde. Omuua a kuta shili omuenjo guandje nokua minikile ndje ndi uape okumona oondjo dandje noku di fala pekota ljomushigakano gu'Omukulili guandje. Otse notua mono enjanju enene, oshoka otua talicua enjanju ndijaka nuutoje uomegulu okohapu jomushigakano. Ojendji mboka ja li ja pulakene eui ljevangeli noja hempulula oondjo dauo noja mono edimo ljoondjo, oja shuna komagumbo gauo nokunjanjukua nokuhambeleso shili Omuua, Jes. 38:17. Eps. 116:8,16, manga aadini naaikukutiki ja kala natango noondjo dauo tadi ja kunja omutenja nuusiku. Rom. 2:5-6. Joh. 9:39, 41.

Omuleshi guandje - omuntu - enjanju u li na olja zi peni? Olja zi mpoka sho ua mono edimo ljoondjo nenge u na ouala omuzizimba guenjanju ljaaluhe! Omuua Jesus nonena ota taamba ajehe mboka je noondjo nomitenge domajonagulo. Jes. 44:22. 54:7-10. A hala u hede kuje noondjo doje e nondjuulukue e ku hule uukulu uoje ua kala muo nokusinda oonkondo deso da kala de ku manga. Jes. 38:17-18.

Omukuetu, tu ulume mbala okukonga eha mu Kristus, oshoka ecimbo efupi ljouala Omuua no ita monika ue: Joh. 8:21, 24. Jes. 55:6-7. Ongoje ngele to mu faalele shili oondjo nomajonagulo goje, nena ote ku taamba note ku pe enjanju nelago ljaaluhe. Jes. 43:1-4, 24-25. 44:21-22. Omuua Kalunga Tate na hambelele shili omolu ombinzi ja Kristus Jesus e ji tu tikile momushigakano.

Samuel Haimbili.

EPAPUDUKO LJOKUUKOLONKADI.

Eti 23 l'Augustus 1952 aagundjuka aakuambi 22 ja holoka poongulu doskola Onesi. Esiku ndjoka

Ina tseja ngele okua kala moshikaha sha Kalunga nenge ngele okua li moonkondo de muene. Manga a longicua ku Kalunga, ina njengua ku sha, ihe Kalunga sho kue mu cigi po, oonkondo da Simson inadi kuaca sha ue. — Ongoje oua tseja tuu, oonkondo da Kalunga ngele di li mungoje ?

(Kerkbode, efupipiko)

ESIKU LJA HUGUNINA LJA CIKI.

Esiku limue onda li nda longo iilonga jo komake, no nda tutu omamanja gokutungica. Okua li ku nuupju uunene, netango lja fa lja hedapopepi lja hala uo okulonga no lja fike.

Ohaluka sho nda kuca po emanja limue onda ada ko uudidi ouindji. Nda tula .po emanja nonda tala ihe sho tau ningi.

Onda mono nkene ua pijagana shili. Ua limbililua, kau shiuo shoka sha ningua po, kapu na kamue ka vulu ue okuholama etango nande.

Omutenja gua fa gua geje uo nokuli. Epijagano lja fa lja geje uo. Ouindji oua geje noua tameke okukonga ngoka te u ehameke, ihe inau mu mona, ua kongosima. Uushona uauo ua matukile momuzile guandje ua holama uupju uetango.

Aakuetu aaholike, osho taku ka kala ngeji esiku ljahugunina, Omuaa Kalunga ngele te tu shile. Kape na ue ngo ta kala a holama koshipala shOmuaa Kalunga. Epijagano ljouala tali kala po shili. Iihuna shili. Ojendji tatu kongu uo iikondjici okukondica epangulo, nokugamena oomuenjo detu aniuu keso.

Aakuetu aaholike, aanelago ojo mboka taa matukile koho jomushigakano guOmuaa Jesus Kristus. Opo to hupu kepangulo.

Tamu kundua ku
Bernhard Josafat Kustaa
Bethanie. S.W.A.

OONKONDO DA KALUNGA.

Etumbulo ndika olja popiua komunjasha a tsakane na Jesus muuvu ue, ue mu kuata ombadilila. Okua li a tokelua kee na nando uuvu, e li gua nakandjege. Mokuhungila oja li ji imbi oondjimbo da Kalunga ja fa je li naua ajehe, nani je ke li naua. Sho ja halakana ja ka lala okua li e li naualela ihe potundi onti 12 okua kuatua kuuvushihoya. Opo mpoka okua tameke okukondja na Kalunga, sigo a sindua ku Kalunga. Okua penduca oojakuauo nokua tumu omujakuli a ka talue.

Omujakuli sho kue ja okue mu kuata koshikaha nokua ti: „Oshike, omumati guandje?“ Oje okua jamukula nuulaadi a ti: „Oonkondo da Kalunga.“ Aantu ajehe sho ja penducua, okua tameke okuhempulula oondjo de adihe mokule nomuenjo gua manguluka shili. Omatumbulo ge gamue ogo ngaka: Ongame nda kala omunjasha omuinekelua kaakuluntu megonngalo ljetu. Ondi na omagano okuimba, onke nda kala omuuiliki guaanjasha aakuetu moluimbo. Mokulonga kuandje onda longo ndi isiikila oshipa shonzi, ihe meni nda kala efukambungu enene lja satana, te li po onzi da Kalunga. Onde shi ningi noondunge domoohapu da Kalunga, da vundakanicua nomakoto. Nokuli sigo nena ondi noluhodi olunene, omolu omunjasha gumue a tetekele ndje meso nde

mu pukica. Ondi na tate ha ganda ndje miinima iiuinaji, ihe ine vulika kuje. Oluindji nde mu holama omoshipa tuu shoka shonzi. Osho nda kala uo muka onkolui. Esiku limue onda nu kolukanda, nonde ja moshipondoka nonda tuku jakuetu naji. Onda hala ajihe mbika ji ninge iijagaja omolua Kristus.

Opo mpoka ajehe ja kumua shili okacimbo tuu hoka. Omujakuli okua ti: „Inamu kumua no inamu tila. Taleni, osho ngeji Omuaa ta holoka ku mboka je ombadilila noku ja longa ashihe shoka je na oku shi popja.“

Omujakuli okua lesa Eps. 33:4-6 nokua galikana nokuhambelega pamue najo. Onke tonata, ngu hambelele, Ombepo ndjika ngele to mu peua ku Jesus.
Leo Nuugulu Hako.

UUCIGA UUJAPUKI.

Aakuluntu aakriste, nando naa ka'e oohepele, otaa cigile ojana uuciga uunene u'uukriste uauo. Ojana otaa putuka inaa fa aana juujuni mbuka. Ando tu tale kashona uuciga mbuka nkene tau monika momagumbo gaakriste.

Aana jaakriste itaa vulu okudimbua po Kalunga, ihe oje shi shi shili Kalunga opo e li nomuntu e nokuendacana na je kehe esiku. Oji ilongo okuja komambo. Ngele je li mongerki oju uuvite je li maandjauo, no ngele je li maandjauo, oju uuvite je li mongerki, oshoka nomaandjauo hamu gongalelua oohapu da Kalunga.

Aakriste ohaa sile oomuenjo dojana oshimpuiju, ojana ja mone shili ehupico. Onkee ohaje ja galikane kehe esiku. Nomagalikaneno ngoka itaga kanica oonkondo dago, nando aagalikani ja mane oondjenda dauo. Oonkondo doka odo uuciga uujapuki shili.

Aana jaakriste otaa dimbulula, nkene aakuluntu jauo je hoole aauuvici jooohapu da Kalunga. Onkee ojo uo nge taa koko, itaa dimbua okujakulica omaliko gauo mboka haje ja topolele oohapu domuenjo. Osho ngeji otaa koleke egongalo lja Kalunga.

Momagumbo gaakriste aantu otaa kala je nombili metilokalunga alihe no muukuluntu. (1 Tim. 2:2) Onkee aanona mboka taa putuka mo otaa ilongo uo okulalakanena okukala kua tja ngaaka.

Uuciga ua tja ngeji inau gongelua kaantu. Kalunga okue u ja pe okesilohenda lje enene. Naale kaua li po. Ando u diladile oohokulu nkene ja kala. Uuciga u'uupagan uauo u ili. Ihe ngashingeji mua kulilua mokuuka. Kueni kuonaale mue ku cigulula kooho, ha noshinima shouala, aue, onombinzi odigu nondjapuki ja Kristus. (1 Petr. 1:18, 19.) Uuciga mboka u noku u cigi'a aamuoje kau shi ue mbujaka uonaale. Ouo mbuka u'uukriste tue u popi mpaka. „Oshoka omauuvane ko ngaka ge mu uuvanekelua, one jene, naana jeni, naajehe mbejaka je li kokule, omboka ajehe Omuaa Kalunga te ja icana.“ (Iil. 2:39.)

Aanelago omboka taa cigile ojana uuciga uujapuki.
Naanelago omboka je u cigulula.

KALA OMUJAPUKI.

Kala omujapuki. Kundacaneni oluindji nOmuaa guoje. Kala aluhe pu je u palucue koohapu de. Ikonngela ookuume koje maana ja Kalunga. Kuaca mboka ja suunkundi. Ino dimbua okukonga aluhe ejambeko lja Kalunga.

Kala omujapuki, manga uujuni tau uukile mekano ue endelega. Kala omacimbo omale muuike pu Je-

Oniimuandi: Sho nda kuatelua kEngela onda li ndi nondjuulukue, ejambeko lja Kalunga li kale uo megongalo ljetu, onke ndi icana aasitagongalo Risto Uushona, Efram Angula, Erastus Shilongo, na Tomas Shindongo je je koshiuike shOmbibeli, ihe Tomas auike a mono ompito jokuja ko. Onda li nda soluhodi, ihe sho nda adika ndi icana aakuanjama aagundjuka noje ja 16 otua tameke eti 3 ljaugustus. Omauvico ga li ge noonkondo. „Otua mono Jesus Omunasaret.” „Shaa shoka sha njatekua kuulunde itashi ji mo.” Aantu ja kuatua osondaha, nando gumue auike a hempulula oondjo de. Omaandaha aahempululi tua li po 15, etijali 95, etitatu 161, ano ajeha kumue 282, etine ja kondo 200, netitano ja li ja kondo 500 ngiika oshoka inatu diginina ue omualu. Aahempululicite nenge meme ihaa mono ecimbo nando okulja nenge okukoca, aantu ja kungu iihuna juulunde ja kala mujo. Jamue oje shi ningi mongerki montaneho jaantu inaa s'ohoni nando taa popi oondjo dauo. Uulunde ua hololua ku Kalunga uo ola shili; okua li ezimba ljeolelo ljouala; elilagano noluhodi lua kala ko. Aantu ja paacana ombili. Ombili je ja pokati kaasita naakuanegongalo. Omalovu ga talika ogo uuzigo tau siica.

Elim: Epapuduko mu Elin lja li li noonkondo, oshoka aashunimonima ja galukile megongalo. Huka otua tameke eti 10 lja Augustus sigo eti 15 ljauguo.

Osondaha tuu ndjoka jetameko inatu koca nande. Aaihempululi ja li po 1700, ja kondo po nokuli.

Okando: Mi Elin oagundu daagundjuka oda ji kOshakati, kOmbalantu, kOngandjela, kUukolonkadi nokUukuauiudi, manga tse tua ji mOkando. Ihe manga tu li mu Elim, satana a tameke okupukica aantu niifundja je. Aniuu omaluadi nomanjando, ookiino odo tadi popica aantu iipualaga, onkee aantu ja gongala oojendji naakatolika naapagani uo, oje ja ja tale omamoniko, uujelele noombadi, ihe hasho sha ningua, oshoka oshilongo sha Kalunga sha longo sha fomongua. Ano inashi ja sha talika ihe sha li meni moomuenjo daantu. Aakando oojendji ja kuatua shili, tshamukriste, tshamupagani nomukatolika uo. Huka aashunimonima uo ja galuka. Otua ningile ko omasiku gatano. Aaihempululi je vule 500.

Ompundja: Eti 27 ljaugustus tua tameke mOmpundja etitatu sigo osondaha, nando huka aakriste ja adika inaa hala ombepo jepapuduko. Ja ti otse otua puka, na otse oantikristus. Kalunga okua sindi oojendji jomujo nongundu jaaimatuli ja kondo nokuli 500.

Oshike? Aantu mboka ja hunucua konkoshi sho ja hokolola Jesus ta hupica aalunde. Aantu oja tsuua shili, inaa vula ue okuididimikila oondjo dauo ngashi je shi ningi shito nale.

Omambo nena ga mono oojene, aauvici ja ningi o'endji. Aanona ojo aauvici taa tatula oomuenjo da kukuta, Omauvico ga nika uugoja no to ga dimbulula ogaapapuduki, shili. Otu nokutja aakriste oja papuduka shili noja manguluka uo muulunde, ihe inaa penduka natango, kokutja inaa godipukua manga ja ze oomposi cilucilu. Onke taa pumbua aauiliki ja longua, ihe oja penduka uo. Mbo je eca omalovu oje vule ngiika 900, naaihempululi 2675 je vule po nokuli. Omapja ga tiliganene etejo nduno.

J. Amakutuuu.

EIFUPIPIKO.

Eifupipiko oljo ombepa ndjoka haji kondjicacana neinepeko moshinamuenjo. Omuntu ngele ke neifupipiko, nena oku na einenepeko.

Eifupipiko oljo oshinima oshiuanaua umene. Oljo tali gamene omuntu kiiponga ji ili noji ili. Esiku limue omuntu ota ningua naji ku mukuauo, e ta gee shili

nokua hala oku mu kondjica. Shaa tuuifupipike nota ti: „Kapuna mbudi,” nena ita kondjica ue mukua-uo. Mpaka eifupipiko lje mu kelele moshiponga shologodi. Osho ngeji eifupipiko tali gamene omuntu kiiponga oojindji jokolutu nojokomuenjo. -

Eifupipiko shaa lja kana pu ngoje, mbalambala otapu longua iihuna pu ngoje. Einenepeko otali ja mu ngoje notali ku longica. Ihe tala kuume kandje, einenepeko ihali longo sha oshiuanaua. Otali ku fala miiponga na mbika ua li ino ji tegelela. Eifupipiko nge to li diginine aluhe, nena oto ilikolele okukalamuenjo ku nelago nokua jela.

Omuntu ngoka e neifupipiko, oha kala a fa omu-voja momeho gaainenepeki. Ihe nge te li diginine ota ka mona nkene tali mu kuaca. Ejambeko lja Kalunga otali mu landula shaa mpoka ta ji.

Oondunge oto di mono ngele to ifupipike. Uujamba nuanaua uomuujuni muka, oto u mono ngele to ifupipike koshipala sha Kalunga, noshaantu uo.

Josef omuna gua Jakob okua li i ifupipika koshipala sha Kalunga noshaakuluntu, onkene elago lje mu landula okukalamuenjo kue akuhe. Maandjauo okua kala e holike kuhe, nomu Egipiti a kala elenga ljomukuaniihua.

Omugundjuka nguka okua li a pangelua keifupipiko, onkee okukala kue akuhe, elago lje mu landula. Tseni aagundjuka jongashingeji otua pumbua eifupipiko, nge tua hala uugundjuka uetu u kale u nelago, onga Josef.

Oluindji aantu nge tua peua sha shuanaua ku Kalunga, ohatu tameke okuinepeka nokukanica eifupipiko, onkee eshunduko ljetu ihali lueda oku tuda. Omuntu ngoka a peua oshilonga she, ne shi longe neifupipiko. Eifupipiko ohali landulua kejambeke oliindji. Tu kaleni shili neifupipiko apehe.

Omukulili guetu Jesus Kristus okua kondjica shili aalongua je ja kale ji ishonopeka: „Ngoka guomokati keni a hala a ninge omukuluntu na ninge omujakuli gua ajeha.” Ngoka ti ifupipike oje ta lengua nota ningi omunene mokati koojakuauo. Omua muene okue tu pe oshiholelua sheifupipiko manga a li te ende kevi. Oje a li a jakula oojendji noku ja aludila aavu jauo. Nando oje muene Kalunga, mokukala kombanda jevi okui ifupipike shili: „Onguka nando olupe lua Kalunga, ina hakana a kale a fa Kalunga, aue, okui ihula nokua zala olupe luomupika nokufaacana naantu nomokukala a li a fomuntu; nokui ifupipike sigo okusa, eno sigo okusa komushigakano.” Fil. 2:6-8.

Johannes J. Nangutuuala.

INA TSEJA.

Simson okua papuduka moomposi nokua ti: „Otandi ikuca mo, ongashika ndi ikuca mo no shito, je ina tseja, Kalunga kue mucigi po”. Aapang. 16: 20.

Simson okua li omunankondolela, oshidengico shokudenga aafilisti. Ihe ina tseja

Ina tseja oshiponga shaakiintu aakaaneitaalo. Aluhe okua hokua kaakadona naafuko aafilisti. Esiku limue okua kotokelua kuhemuene, esiku ekuauo komufuko je muene. Sho kua tala oshipala shi nondjelo, ina dimbulula nkene okutala nkoka otaku mu fala muuposi: tango muuposi uomuenjo, ihe ohugunina muuposi uomeho ga tsipulua kaatondi. — Okahalu kiipala inaka hulila mu Simson; sigo onena ohaka fala oojendji moshiponga nomuuposi uomuenjo nomokukanica oonkondo dombepo.

ngame nda uhala mokuti kehupo. Mokugaluka nda tsejicilua kokanona kopuushiinda ka ti: „Tatekulu, kegumbo ljoje kua ji aantu ojendji aniuu aakuambi.“ Ongame nda diladila, ngiika aashingici taa uka kUushimba ua Kaoko.

Okupitilila pongulu nda popica omukiintu guomupangi e li poshipangelo. A pula: „Tate, oua tseja ke?“ Ngame: „Aue.“ Ta ulike noshikaha she molugumbo luongulu, nokua ti: „Ajenda ojendji je li mokaje na shioombago domeja kaje niikulja.“ Ngame nda ti: „O, otandi ja ningi ngiini?“ Nda tila nokuli. Ohaluka nda uvu oluimbo molugumbo taa ningi egalikano. Nda piti po inandi ja popica. Sho nda ciki megumbo, nda peua ombapila ndjoka ja ende najo ja zi komusitagongalo Tomas Shindongo a hokolola a ti: „Aagundjuka mboka ojo aagundjuka mboka ja papuduka shili noje ja oku mu hokololela iilonga ja Kalunga mpoka ji cike. Eeno, Kalunga ta longo iilonga iinene momagongalo getu.“ n. sh. t. Nda ji oku ja kunda. Tua uvacana ja hokolole shoka je shi na konima jelongelokalunga mosondaha, no tu tsikile iigongi jetu sigo metitano. Osondaha ndjoka omukadona gumue a popi tango. Nda dimbulula megalikano lje nomokupopja ojo je na shili Ombepo ja Kalunga, ihe pua holoka uo shoka she eta epijagano, osho egalikano ljomongundu. Unene aagundjuka aamati ja kukutike aantu ja ti: „Apukici aashiveva.“ Onke aantu ojendji ja zi po pu Jesus ngashi mu Joh. 6:60-65. Ihe mbaka tua kala mo otua tsuaa koohapu da Kalunga doka di nomuenjo noonkondo do di nomajego di vule egongamuele ljoongenge mbali no tadi tsu sigo tadi joolola omuenjo nombepo, oongolo noomongo, notadi pangula omatedatedo nomadiladilo gokomuenjo. Heb. 4:12. Ombepo Ondjapuki e tu tempele uulunde uetu, notue u fala pekota ljomushigakano gua Kristus. Tua za po tu uvite ombili nenjanju okunjanjukilua esilohenda lja Kalunga sho e tu pe ompito okuhokolola oondjo doka de tu manga ecimbo ele.

Ano megongalo ljuukolonkadi mu na ngashingeji ongundu jaapapudulua ndjoka taji lalakanene ngashingeji mbijaka jokombanda nokucika meadimo ljaana ja Kalunga.

P. N.

KRISTUS OKUA TALA NDJE KOSHIPALA NO KUA TI: OOMUENJO DAAMUOJE ODI LI PENI?

Inapa pita ecimbo ele, sho nda lesa ehokololo tali hokolola omusita guomu Amerika, nkene a lala oondjodi je.

Omusita ngoka okua li a kala moshilonga shegongalo omimvo odindji. Oje ina longa megongalo ljaandjauo alike. Ihe oje okua longo uo pomaha galue. Oje nokua tedululica aantu ojendji. Eeno shili, oje okua longo. Ihe nando ngeji, je muene kakua li e na etegameno ljaana ja Kalunga.

Ano esiku limue ongula necimbo ljolusitati sho lja ciki, oje okue ja moshililo poshitafula. Omukulukadi gue okue mu dimbulula, nkene kee li naua, nando. Oje okua diladila oje ota alukua, oshoka olutu lue olua fa luua nomuenjo. Omukulukadi gue okue mu pula nokua ti: „Omuholike, ou li ngini ano?“ Omusita oua jamukula: „Ongame ondi na uumbanda omoluoondjodi nde ji lala nena.“

Omukulukadi okua jamukula: „A, oondjodi ndi

shi kadi shi unene okuinekelua.“

Omusamane okua ti: „Eeno, ihe kandi shiuo, ihe mondjodi ndjika nda lala omu na tuu sha. Oshoka ongame onda jaguma nda cikama komeho goshipangelapundi sha Kristus. Oje nokua tala ndje koshipala nokua pula ndje e ta ti: Oomuenjo daanona aamuoje mboka nda li nde ku pe odi li peni? Ngaje onda ti: Kandi shiuo. Omuaa okua pula ndje isheue e ta ti: Oomuenjo daantu mboka haa longo megumbo ljoje odi li peni? Natango onda jamukula: Kandi shiuo. Natango tuu Omuaa a pululula ndje e ta ti: Oomuenjo degongalo ndjoka nda li nde ku pe uusita uoku li tonatela odi li peni? Ongame onda ti: Kandi shiuo. - - - Ano sho nda lombuelua oohapu dono, onda kuatua ketilo ndjoka nda fa nde ekeluahi, nenge ndu umbilua muule uokeli, ndi landule oomuenjo doka da kana. Opo mpoka nonda tonata ihe.“

Ano sho a hulica oohapu doka, oje nokui ihata po nokua si montaneho jomukulukadi gue.

Omuleshi omukuetu, otu nokutila Kalunga omluondjodi ndjoka jomusita Kalunga e ji mu ningile. Opo ji tu ndjingandjinge mo moomposi tu penduke. Oshoka esiku otali ja natse uo tu ka cikame komeho goshipangelapundi sha Kalunga. Oje note ke tu pula oomuenjo doojakuetu mboka ja kala metonatelo ljetu kombanda jevi. Ano shaa ngoka ni ipule je muene, nokutja otandi ka pulua omuenjo gualje nogualje. Jajee ngame, ngele tandi ji ikaha jouala. Omuaa ota ka ninga ndje ngiini? Omukuetu, Omuaa ota tegelele tu fale oomuenjo doonakukana melago ljaaluhe. Oshoka ecimbo ljiilonga oljo efupil! Oshoka ejo ljuomuaa guetu Jesus Kristus oli li popepi! Ano tu longeni manga ku na omutenja, oshoka otaku ja uusiku ueso mboka itatu ka vuleni ue okulonga. Rom. 14:12.

Omuleshi omukuetu, otandi ku halele ejambeko lja Kalunga, nomumvo omupe gu nelago.

Lja lundululua mu

• „Midderdag Geroep.“
Alfrid Jason, Elim.

AAJAKULI JEGONGALO MOUAMBO!

Ootate naamuameme ne auuambo mu li moshilonga shokujakula egongalo ljuomuaa guetu Jesus Kristus! One omua kala omimvo odindji dijaka da piti nokuehameua oomvalo deni, doka da halakana mUushimba. Mua kala mua hala di kale nokuuvicilua „evangelijombili.“ Omuaa Kalunga okua uvu okulila kueni. One nomua tumine aaevangeli oomvalele daauambo jeni mUushimba, oku ka uvicila mo „evangelijombili“ kaanona „jomehalakano.“ Kalunga nokua egulula omijeelo diilando:

Omuevangeliste Jason Haufiku a ji mu Grootfontein, aaevangeliste jaali Stefanus Hamukuaja na Nikolai Haukongo ja ji mOutjo, aaevangeliste jaali uo Werner Amuaalua na Filemon Nashihanga ja ji mOtjiwarongo, omuevangeliste David Haufiku a ji mOmaruru, na omuevangeliste Absalom Naulondo a ji mUsakos, nomuevangeliste Leo Nuugulu a ji mu Windhoek. Okakadona okauambo sho taka tala kokene neho ljako kene, kokutja egongalo ljaauambo aakriste pa Luther taa longika okangundu kaatumua jauo jene kiilongo, mokati kaanona „jomehalakano.“

Na miilando moka aamati ojendji ja longua no ja shashua na jamue ja kolekua. Ngashi numvo uo nkuija kuuzilo ua Otjiwarongo „kOmaheke“ ku „Sandveld“, popepi nOkakarara evi ljaaherero oku na ejana tali icanua Ebenezer. Okua shashelua aamati 31 nokua kolekua 3 nokua gandjelua esakramenti lJUulalelo Uujapuki mesiku eti 20.5.1952. Aauambo oje li ko taa longo moomina opo tadi totua ko.

Omuevangeliste gumue gua Otjiwarongo okua kalele ko ocmuedi 3. Na momumvo nguija gua ji komina ndjoka ja „Omaheke“ okua shashelue aauambo 13, na 1 okua shashelua pOkatjitambi. Omuevangeliste a kalele ko omuedi 1 1/2.

Omuua Kalunga na hambelelue nokaauambo uo! Stefanus Hamukuaja.

UUNONA NUU JE KU NGAME.

O c n k u n d a n a d o k O n t a n a n g a .

Oshikumica shili, Ombepo Ondjapuki nkene ja minikile aanona, nojo uo nkene oju uviteko oshinima shika shepapuduko.

Esiku limue manga tua ji mootundi, tua longo tango otundi joBibeli nomualu, motundi ndjoka joshiafrikaans, ombadilila oomuenjo daanona da soluhodi, niipala jauo ja nik'uucigua. Ombepo ja longo oshilonga shajo moomuenjo daanona. Ojo inaje ji dima, aue, oja tameke okuhempulula oondjo dauo doludi kehe. Omahodi ogendjigendji ga tondoka momeho gauo, taa lili ja mangelulue kOmuua Jesus moonkandja duulunde no deso, no ja mangelulue uo muupika uikolika mbuka ua li ue ja manga nale. Omunona kehe okua galikanene uo aakuluntu naamuajina, noja galikanene to egongalo alihe li mangelulue mo melelo ljomukuanilua alkoholi guomiikolika, noljo li kale melelo ljomukuanilua Kristus auike.

Nuunona uushushuka uoomvula 4 nenge 5 nenge 6 tau lili ua zinda omeho, niipala ja tula koluhodi, nando ua njengua okupopja nokutumbula oshinima shu uvitike. Ihe u shi shi ope na sha, nouindji ua tumbula etumbulo ndika: „Omuua Jesus, joga ndje ndi jele, opo ndi uape ndi cike megulu, ndi ka nue mo mocicija jomeja omanamuenjo.“

Ohugunina tua li tua tseni oongolo tu galikaneni nokuhamblela Omuua Jesus, nuunene oku mu pandulila emanguluko ndika. Uunona sho ua tsu oongolo inau pacana ue omalufu, aue, shaa ngoka okua igida peha lje mokule edina ndika: „Omuua Jesus, silohenda.“ Oshihomo shomaui gauo shi ifala pombanda, oshoka oja galikana oshita. Otua li ouala tua kumua shili sigo ua hulica.

Eeno shili, Omuua Jesus ina panga ookuume ke epapuduko ndika, aue, okue ja ningi ju uviteko, nokua taalelica omeho gauo ku Je, ja uape okumona kuume kauo gua shili. Omuua Jesus okua lundulula shili oomuenjo daanona ojendji. Mboka ja kala iindandi naapuidi mokukalacana noojakuauo, mboka ja kala nokujematica aalongi jauo molu ekudilo mootundi, no kaje shi okukala koshipala sha Kalunga motundi joBibeli, ojo ihe mboka Omuua Jesus okua tonatica omeho gauo, nokue ja longo onkalo jopaKalunga. Ngashingeji ojo aavuliki momagumbo nokenongelo, ngashingeji ojo aamangululua, kaje shi ue aapika, aue, ja ningi aakuauo jaajapuki naanegumbo ja Kalunga.

Onke ano Kalunga na hambelelue, ngoka te tu pe esindano omolua Jesus Kristus, Omuua guetu.

Sofia Lysias.

TETE MU JERUSALEM.

Momudo ou 1952 Kalunga a tumina omaongalo aUkuanjama ovaudifi vepapudulo. Konjala eongalo keshe Kalunga a enda mo mulo. Vahapu vomovakriste Kalunga a hanga va mangua ku satana. Ndelene e va mangelulifa Omona Jesus Kristus nOmpepo lJapuki. Paife va ninga ovadalululua, novakuao vovajapuki.

Nokuli konjala omukriste keshe a ninga omuudifi. Ovakuluntu, ovanjasha, ounona, ovalumentu novakaintu. Vamue va fija po omaumbo avo, va ka udi fe komaongalo. Nomapata avo, nomaumbo oohe n. sh. t. Onaua eshi tua tambula elaka eli lOmuene: „Ka udi feni efjo nenjumuko laje fijo ote uja.“

Ovaudifi ovakuetu, tu dimbulukeni vali elaka lOmuene Jesus a tja: Tete mu Jerusalem. Meumbo loje, momukunda ueni. Pepata la njoko, moundenge voje, okamati koimuna koufita. Meme mokukola eengongo na vakueni. Tete mu Jerusalem. Meongalo leni, ha kuudifa akuke, nde nokujakula ngaashi Omuene a tja Mat. 25:34-36. Momaongalo etu omu na jo vahapu tava pumbua ekuafu letu shili. Omuene ina hala tu va fije po. Tete mu Jerusalem. Ngaashi mOmuambo ovakulupe novanaudu tava pumbua oikuni, okutekelua omeva, okutungilua eenduda, okukashulilua omuidi ueenduda. Tu life oimuna jootate.

Tu huame jo okujandja ongalo jongerki. Nokududa oihati i vandeke eengulu odo da kulupa. Tete mu Jerusalem. Ovashiinda ovapaani.

Opo hatu dulu okufika ku Judea, noku Samaria fijo kehulilo lounjuni. Moushiinda, komikunda, no komaongalo n. sh. t. Kalunga na shakenife oshilonga shaje mufje.

Malakia Hauuanga,
Okatope.

EGALIKANO LJOMUVU.

Eui „Ngame ontsi jevi ndi“

Jesus ino efa nge
Momilaulu nda ningina
Douvela nodouike
Ngas' ondolongo jomeni.
Ov' auik' Omukuafi uange
U dile ng' onkenda joje.

Ounjuni tau te sao
Ua pua 'nkenda nolukeno,
Ndele ove nda tala
Moluhepo lang' alise,
Omutivali uang' apese
Mokupuaalala aluse.

Tate hai ku pandula
Moluasi ua ifana nge
Ndi valelue mongudu
Jovamuoje jovakriste.
Moluajo handi njakukua
Nando ondi li omudimbe.

Tu kuafa tu hafele
Omadina et' atuse,
Ngenge oo a sangelua
Membo loje lomeulu,
Tu p' ouladi 'mukuafi uetu
Tu kondjel' eemuenjo detu.

La sangua ku Rauna Haifene.

OHANDJE OHAJI FIKE OKUTI.

Heb. 4: 12. Ngoka ue ende momakuti oua mono omakuti omanene nkene ga pja epeja. Isheue oto 'no-no omapalu ga cigua po komulilo inaaga pja, nando omulilo gua fa gua ende apehe. Ogua zi mohandje. Eeno shili, nani ohandje oja fika okuti okunene.

Ngiika to ti: „Ohandje oja shike a hala oku ji popja?“ Ojo elaka ndjoka l'Ombepehijo jepapudulo ndjoka ja adele aakriste mboka ja li megongalo alihe ekuuambo mUushimba. Aakriste mboka ojo je ja taja ende kashona na kashona ja fa ecimbizimbi. Mokuja kuajo muka oja tsakanekua kojendji nokushekua komutjanaji. Mark. 3:28-30. Konjala kehe gumue a mono oombrive da zi kojaandjauo nokookuume ke tadi ti: „Tse otua manguyulua muukulundjo detu ku Jesus omumangululi gua shili. Opo mooka eulaka ndino tali ciki sigo omeni moomuenjo dauo, sigo oomuenjo dauo da fikua noku nokukamua koondjo dauo. Shika otashi ti, okuti okukulumuenjo dauo kua guilua kohandje, e taji fike mo oomuidi adihe oonkunkutu.

Ohaluka jouala ojendji jo muamboka ja li ja tsakanekua ohandje noku ji sheka, taja kugile ekuaco. Osho taja ditulula oonkandja doondjo dauo, puua na ohoni, nokulila shili. Eps. 36:8-13. Ano ohandje oja fike okutimuenjo kooondjo, nonando ojendji omo je li taja sheke omokuikukutika ojo omapalu ga cigua po kepeja inaaga pja, Eps. 37:9-11. Ongoje epalu ua cigua po? Ohandje oja fika ngaa okuti, Eps. 36:2-7.

L. Nuugulu Hako.

KONDJA OPO U DULE OKUFIKA.

Efiku limue onda li ponhele imue, no ponhele ojo opua li okanona kanini ke na odula jimue. Okanona aka oka li ka hala okuenda. Eshi ka fikama oka katuka eenghatu mbali. Onghatu onhinhatu oka uila po. Eshi ka penduka po oka ehena popepi nomiti demumbo, ndele taka kuatelele kudo, opo ka dule okuenda oshikako shile, fiyo ka fika oku kua li ka hala okuja ko.

Okanona nande oke li po kanini ngaha, oka peua eendunge dako. Eshi ka mona kutja momaulu ako kamu neenghono, oka kendabala okukuata kuaashi tashi ka pameke opo ka dule okuenda. Ehokololo eli otali tu fanekela okukala kuomunhu ou ina kola mukriste, e li po okanona natango. Okukala kuaje ku li ngashi okanona oko kanini opo taka hovele okuenda. Ope na shili oudju komunhu ou a tja ngaha. Fimbo omunhu e li mondjila okuja ku Kristus, keembinga neembinga otaku holoka oinima ilili no ilili, iua nokutalua. Nena omunhu eshi e li po ina kola, omuenjo uaje tau hongoloka diva, ta hulile ondjlakati ina fika. 1 Kor. 9:24-27.

Ovamuameme mu Kristus Jesus, ofjeni atusheni otu li mondjila imue, ei taji tuala oku ku na ondjabi jefindano. Mondjila ei omu na omaua mahapu, oo taa shakeneke omuendi najo, taa di ku satana Fil. 3: 7-8. Okanona oka endela komiti, opo ka mone eenghono dokuenda. Fje otu na okuninga ngahelipi opo tu ha punduke? Otu na omuti oo ua kula, oJesus. Keshe ou ta kuatelele kuje, ke na apa ta ka punduka fiyo alushe. Pamue oto ti, mu Jesus ohandi ikuatelele mo ngahelipi? Ongenge to ilikana Kalunga, u he na omalimbililo, osheshi Kalunga omudiinini uoje 1 Kor. 10:12-13.

Natu kondje hano nokutaalela Kristus opo tu fiinde omamakelo tu ka fike okondjabi jefindano. Heb. 12:1.

Vilho A. Komeso.

SHOKA NDA MONO MOONDJENDA DANDJE SIGO KU KAAPA.

1. Omakucikuci omanene.

Esiku limue nda kala pefuta tandi talele po omakucikuci omanene taga nuka pombanda ge vule ndje. Onda tila shili nokukakama: Omukuetu tua li naje okua ti: „Ino tila, itage ku falele.“ Opo nda dimbulula esiku ndijaka Jesus a ganda omakucikuci ngo gaa le ga ninginice ouato jauo, aalongua no ja tila. Jesus okua ti ihe: „Oshike mu neitaalo enenguni?“

Natse uo tu kaleni tu neitaalo opo tuua falafalae komakucikuci guujuni, oshoka ombepo oja hala, ihe onjama kaji noonkondo. Tu galikaneni nokutsa oongolo tuua sindue koonkondo domakucikuci gomute-ndi satana.

2. Haauambo atuke ojendji nani.

Ongame omukriste omukueni nda tameke ondjila jandje ndu uka kUnion. Nda zi kOshraanda shongue nde ja mOkavango nonda mona omulonga Kavango nkene tagu tondoka. Onda pandula oonkondo dOmushiti guetu.

Isheue nda tsikile ondjila jandje nde ja kevi ljaash uana, tandi tala iishitua nkene ja tja. Onda kumua noonkondo. Nani uujuni uunene shili, haauambo atuke ojendji nani.

Opo nde ja mu Transvaal, mu Johannesburg no nda mono iikumicilonga niiguana nke ja gongala. Opo nda didilike kutja nani aantu sho je nuunongo u cike mpono, oua Kalunga u cike peni anof

Nisheue hde ja mu Kaapa nonda mono oongulu doopalelela aantu okutalua.

Omukuetu, aakriste ja papuduka shili mevi ndika lja Union Sho ndu uvite omakutsi naakriste aauambo uo ja papuduka noonkondo, ote ti: Ngiika Omuaa oku li popepi ngashingeji.

Ihe nando ngeji, oku na natango ojendji mboka jomutondi taa tsikile ondjila jauo. Ongoje ngele u li mongundu ndjo, Omuaa te ku ada, ku na mpo to ji ontuku.

Nangolo jElia Uejulu, Kaapstad.

UUGUMBO UUPE.

Aagundjuka nena ja dimbulula kutja otaa pumbua eputudo. Onke ojendji otaa holoka mooskola daamati nodaakadona, ihe sho je li po ojendji ngauo, nando uugumbo ou li po ouindji, itashi vulika ja taambue ajehe, ohamu kucua jamue ajeke.

Omolu' aagundjuka mboka ja hala okuputulua momanongelo, opua tamekua ooskola oompe daakadona pOntananga nopOniimuandi, ihe omanongelo ngaka oga fa ngaa manga „Enongopalo“ oshoka kaku noondunda dokulala, aagundjuka oje nokuza komagumbo manga. Moniimuandi mbo jokokule oja taambua ja kale pongulu ihe kaje shi ojendji nande.

Okagumbo mUukuambi taka pumbua, oshoka otu nocina omolu aakadona taa kucua ojala megongalo kaakatolika oshoka inaa longua ja putudue naua, ihe aagundjuka otaa tekulilua uo omagumbo gauo ga ninge omakriste nenge okulonga mepja l'Omuaa Jesus.

J. Amakutuua.

OKAKOLOLO KAAONONA.

HEIKKI INAANDIHALA.

Esiku limue jina okua lombuele okamationa ke: „Heikki, ka tale onane jandje.” Ihe Heikki okua jamukula, a ti: „Aue, inaandi hala.”

Jina a ti: „U uvite ko, u noku ka talela ndje onane.”

„Kandi necimbo.” Osho Heikki a jamukula, je no ini injenga nando.

Jina nokua li e nokuja muene. Mokuja kue okua ti: „Heikki, ongoje Heikki Inaandihala, oshoka aluhe ho ti: Inaandi hala.”

Esiku limue he ja Heikki okua adika koshiponga shoshilalo oshinene meke lje. Omo mua tondoka ombinzi ojindji.

He okua lombuele Heikki a ti: „Matuka u ki icane aashiinda je je okukuaca ndje.”

Ihe Heikki a ti: „Aue, inaandi hala.” Omusamane a njengua okuja muene nomukulukadi a adika a li palue.

—, Heikki, ngele ito ji nzija, tandi sile etiko ljobinzi.”

Nena Heikki a tameke okuinjenga kashona. Ihe shokua tsakanene aamati oojakuauo, a tameke okudana najo.

Navulua okua cikica elaka kaashiinda. Ihe aakuaci sho ja ciki kuhe ja Heikki oje mu ada a lala pevi ongali, okua li a kuatua koshitelele — omolu okamua-na Heikki Inaandihala.

Hangoje, ndi shi, ua hala oku mu fa?



VILI TA JI MOSKOLA.

1. Okamati okashona
Vili Eelu, ngu epona
ljaakuluntu jako, a li
luindji nga omutangalali.
2. Es'ku limue jina nguka
kua, ti: „Vili, ila huka!
Ngashingiika ngoj' ua lo'a
ndi ku tume omoskola.



3. Inda u ki ijoge mbala,
hema ndjika ompe zala!
Endelela, ngoj' u je,
omoskola u ukile'

4. Pulakena sho te tonga
omokuti oshiponga.
Ino ja ko nandokuli
Endelela, ngashi u li!"

5. Okamati ka ji ihe
omenongelo a cike.
Haluka a dimbulula
mukuju ngu mokuti muja.

6. 'Nkuju doka no de mu heke
je a dimbua po sheke
kumagidohapu dija.
Omokuti kua li nzija.

7. Ndjamba ndjo onenenene
hujaka ja jangaele.
Sho a dimbulula Vili
oku nguka ju uka shili,

8. Ju ukica om nkati jajo,
jambula kamati ngaho
no je mu humbata pombanda
Jaje, nkene a suumbanda!

9. „Jaje ngame!” a ti Vili
nokua galikana shili
Kalunga e mu silohenda.
Mu shi Vili e nuupenda?

10. Mokuenda kvajo ndjamba
pola limue jo ja lamba;
luo koskola tali fala.
Aanaskola no taa tala
ndjamba ndjo - ja kumua,
ndjoka uo ja haluka.



11. Skolangendjo sho ja lili,
ndjamba no ja tila shili,
Vili no a kumatuluka
okomunkati je ta nuka,
pevi no ta gujile,
Jalue je ke mu taleje.

12. „Ua zi peni, popja Vili
natse uo tu uve shili.”
Osho taje mu lombuele.
Vili no ta jelekele
okupopja ngashi shi li.
Opo ihe kua ti Vili:
„Omongerki tse tu jeni,
Kalunga tu mu panduleni!”



OSHIHOLEKUA SHOMUSHIGAKANO.

Oshiholekua shomushigakano itashi konekua komuntu guopanshitue. Otashi hololu notashi fatululua ku Kalunga auike, okOmbepo je Ondjapuki. „Oshoka ohapu jomomushigakano oja nikile uugoja oomboka taa ka kana, ihe kutse mbaka aahupicua ojo oonkondo da Kalunga.“ (1 Kor. 1:18)

Omushigakano gua Jesus ogu li pokati meitaalo ljetu. Ogu hoolike komukriste kehe. Aluhe ohe gu diladila. Ihe omushigakano guaa na Jesus kagu noshilonga. Oguo iiti jouala. Onkee ngè tua hala ukukonakona oshiholekua shomushigakano, otu nokutala Jesus nkene a aalelua ko.

Omushigakano oguo eha ljehanagulo noljeso. Oshilonga sha Jesus ashihe sha fa sha hulile komushigakano gue. Omushigakano otagu etele omuitaali uo ehulilo. Jesus ota ti: „Ngele ku na ngoka a hala okulandula ndje, oje ni idimbike je muene, ni itsike omushigakano gue, je na landule ndje.“ (Mat. 16:24) Omuntu omukulu mutse e nokuaalelua komushigakano je e nokuhula po. Etameko ljökukala kuopakriste oljo ehanagulo ljaajihe iikulu.

Ihe omushigakano otagu ti uo esindano. Ngashi oshimeno tashi mene mevi, osho omuenjo tagu zi meso. Komushigakano, keha ljehanagulo, kua holoka esindano. Omushigakano ihagu sindika. Oguo esindano tali sindi uujuni auhe.

Etitano ljoosa dOmukulili olja landulua kongula jopassa. Ejumuko olja tetekelua komushigakano. Ekulilo olja longekidua nuudigu uunene.

Omukriste! Omukulili e ku futile komushigakano, opo u kale u nomuenjo. Pomushigakano nangoje uo oto sindana. Omushigakano otagu humbata omuhumbati guagu. Omushigakano ogu noonkondo. Kala u gu hoole aluhe.

Jesus okua humbata omushigakano koonkondo dohoole. Okua li e hoole He nokua li e tu hoole uo.

Oshiholekua shomushigakano osho ohoole,
(Elundululo)

EMBO LJOKAMATI.

Omulumentu guontumba okua kuutumba pomulilo ta teleke sha. Okua diladila emadiladilo omauinaji shili. Manga ta kuutumba ko, okua mono okamati take ende ke nembo moshikaha shako. Omulumentu okua tala okamati ke nembo, oje nokua dimbulukua nkene oje uo a kala naale moskola jetumo moka a longua okulesha nokunjola. Ihe omambo ge okue ga kanica naale, kee na sho te shi leshe ue.

Omulumentu okua icana okamati a tale embo ndjoka ke li humbata. Nani, oljo Etestamenti Epe. Oje okua kuca embo nokue li siikulula a leshe mo sha. Osho ngeji i itsu kehokololo ljelenga ejamba mu Luk. 18. Okua leshe mo: „lipango u ji shi: Ino hondela, Ino dipaga, Ino jaka, Ino lundila, Simaneka ohò na njoko.“ Oohapu dika ode mu tompele uulunde ue. Okui ipopile momuenjo gue nokua ti:

- Sigo onena onda jono kiipango ajihe okuninga shika. „Ino dipaga“, ihe ngashingeji onda aadika tandi itongekida ndi ka jone nokusho. Oshoka tandi teleke uuzigo ndi ka dipaga kuku.

Ediladilo ndika inali mu eca, sigo a gandja e-

mbo kokamati, a jamtuka po nokua ji komuhorgi ja kundacana oshinima shoka. Omuhongi nokue mu fa'a kOmuaa Jesus Kristus.

Ngashingeji puè piti oomvula odindji, ihe omulumentu ngoka opo e li natango no ta liokolola Omuhupici gue.

(Ehokololo lja zi ku Rhodesia.)

„UUVICILENI AASHITUA AJEHE.“

Ombibeli ajihe, ano Etestamenti Ekulu nEpe, oja lundulua ngashingeji nomalaka 191.

Natango ope nomalaka 246 moka mua lundululua Etestamenti Epe alike, ngashi moshilonga nomoshikuanjama. Nope na natango omalaka 688 moka mua lundululua oohapu oonshona domOmbibeli, ngashi andola evangeli limue alike. Ano moohapu da Kalunga mua lundululua nokuli momalaka 1125.

Ihe muujuni omu na natango omalaka omakuauo ge cike andola pu 1700, moka qohapu domuenjo inadi lundululua natango.

Epja lja Kalunga oljo enene, aalongi aashona. Galikaneni ano Omuaa guetejo a tume aalongi metejo lje. Tu galikaneni, oohapu dOmuaa di tondoke do di simanekue uo palue ngashika mokati ketu.

OKUA NAKULUA MESO.

Koshilongo shaasuomi okua li ku nomulumentu omujamba. Oje okua li e negumbo ljo oopala nomukulukadi omunambili nojana jaali. Ihe omusamane okua tameke okunua iikolica. Tango okua nu kashona kouala, sigo ohugunina a ningi onkoluilela. Uuhalu uikolica ue mu pika naji. Okua halakanica eliko lje. Omukulukadi a li e nokutembukila koojina. Aanona oja kucua po noja falua kongulu joocigua.

Ajihe sho ja pu po ngeji sigo kokatatapeni ka hugunina, omusamane okua kuca po ondjembo je nokua zi mo moshilando. Shokua ciki kokule kashona, okua caneke nondjembo kokutsi kue a hala i idipage.

Ihe opo mpoka a haluka. Komeho ge kua cikama aajengeli jaali. Ondjembo ja gu mo miikaha je. Omulumentu a ji ontuku a shuna koshilando. Mehaluko lje enene ina tseja nkoka ta ji, a janga ashike komapandaanda. Mokolengalenga kue a mono kombapila onene kua njolua: „To icanua!“ Okua leshe mo noku utvu ko, anua ku noshigongi shoohapu da Kalunga. Okua landula oadresi e ji mono meicano, okua ciki ko nokua pulakene omauuvico, sigo a ka kundacana nomuuuvici gumue. Okui ihokololele omuuuvici ngoka nokua ti:

— Osho nda tja. Ajihe onde ji kanica. Ongame oshintu shouala, kandi na mpo tandi uuka.

Omuuuvici okua jamukula:

— Kalunga iha njengua komuntu, nando a kale a tja ngiini.

Omuuuvici nokue mu ulukile naua ondjila jehupico, sigo omulumentu i itaala shili nokua mono esilohenda ljevalululo.

Komeho kua holoka, nkene pecimbo tuu ndjoka, omusamane shokua hala okuidipaga, ojana ja li taje mu galikanene kongulu joociigua. Nomagalkaneno ga-

uo oja nakula he meso nomomilema daaluhe.

Okeitedululo ljomulumentu ngoka egumbo lje-lja tameke okutungululua. Omukulukadi okua galukile ke gumbo. Aanona oja tuminua isheue kaakuluntu jauo Oonkondo da Kalunga da holoka mokukala kuomusamane okupepeka. Enjanju ljuhupico olja pangele oomuenjo daajehe.

EPAPUDUKO.

Epapuduko otali holoka shili, ngele aantu taje li indile ku Kalunga notaa uuvica meitaalo Omukulili ngoka omuhoolike iha njengua nando komuntu. Oonkondo duulunde odo oonene shili. Nomilema oda ti tuu cokocoko moomuenjo daadini. Ihe oohapu domushigakano odo onkondo da Kalunga iha njengua ku sha.

EDIDILIKO ENENE LJEHULILO LJOMACIMBO.

Oljo Israel, oshiguana sha hogololua ku Kalunga. Jesus a tile: Jerusalem tashi ljatagulua kaapagani sigo omasiku gaapagani taga tsakana. (Luk. 21:24) Osho sha ningua uo. Aajuda ja kala mehalakano omimvo omacele nomacele momavi gi ili no gi ili kombanda jevi alihe sigo ja tameke okushuna mevi ljaandjauo, mu Palestina, ojamue nojamue sigo ja ningi ojendji kashona no ja diki nokuli oshilongo shaandjauolela tashi ipangele (omumvo 1948) ngashi sha popiua miffo jetu pecimbo iinima mbi ja ningua. Ihe nando ngeji oje li po inaa hala okutaamba Jesus Messias. Paulus ta ti: Eikukutiko lja aada Israel okombinga, sigo omualu gaaapagani je ja mo gua guana. (Rom, 11:25) Omualu gaaapagani, kokutja, omualu gaaahupicua ja zile maapagani. Ihe ngashingeji edidiliko ndika uo tali tameke okutsa. Ngashi tu shi shi, aajuda ja kala je nuutondue ua huama uokutonda Jesus. Ihe ngashingeji kua ningua oshikumica shili:

Mosinagoga jaajuda mua uvika
ehempululo ndi:

JESUS OJE MESSIAS.

Ehempululo ndi olja Rabbi omukuluntu Daniel Zion ngoka neitedululo lje lja popiua nale mEhangeno 1951 N:o 1-3. Ano ngashingeji a pitikua okueta po onzapo ndji montaneho jaajuda ojendji shili, oshoka tango a popi mu radio, meshina ljokuuvicica kokulekule, nesiku eti 8 lja November gua ji oku uuvica mosinagoga popepi na Karmel. Oje a popi komuenjo gue aguhe nokutaalela aarabbi naaimbi ja kuutumba komeho. Aantu ajehe ja pulakene nokumuena cilu. -

Ehempululo lje e li popi mu radio jomu Israel tali ti ngeji:

Aamuatate mu Messias.

Ngashingeji pua piti ecimbo li vule omimvo 20 sho nda tameke okulesha Etestamenti Epe no nda mono eitaalo ljokuitaala Jesus Omukulili. Ihe eitaalo llandje inali kola naua li ciminike ndje ando oku li hokololela uujuni. Eeno, muungundu uushona uookuumenda li handi pula nga, oshike ando otse aajuda tue ekelahi Jesus, nando okua li ha kongo shono ashike tashi opalele Israel. Nda li handi kumagida aamuameme ji itedulule no ndu uvica oshilongo sha Kalunga na nkene tu nokuholacana. Konjala omimvo omajuvu gaali tua kala muudigu omoluasho inatu mu taamba. Ootate ja jono ojo no kaje po ue, ihe otse tua hambata uudigu sigo nena moluomajonagulo gauo. Esimano llandje ljomuurabbi uukuluntu lji imbi

ndje okuhokolola oshili montaneho jaajehe. Kalunga kua li e nokulonga. Oje a mangulula ndje muusaseri uandje nokua fala ndje ku Israel. Sho nda ningi huka omumvo gumue, nda ji ku Jerusalem ndi iapulile egalikano neidiliko ljiikulja pecimbo li cike pomuedi gumue sigo Ombepo Ondjapuki je ja kungame ja formulilo hagu lungunica momuenjo guandje. Ojo no ja lombuele ndje ndi je moshigongi shaarabbi mu Tel Aviv ndi ja hempululile eitaalo llandje ljokuitaala Jesus Messias. Ngaje inaandi mona nando evululuko nenge ombili, manga inaandi vulika kelombuelo ndi. Osho uujuni auhe u uvu oshinima shi. Okuza kecimbo ndjo eitaalo llandje lja tameke okukola sigo ngashingeji, nando pua kala omatidagano nomaimbo nuudigu sigo onena. Ihe inamu diladila ondi iteka uujuda. Aue, onda kala muujuda, nomujuda ndi itaale Jesus handi diginine esabati niipango. Oshoka Jesus muene osho a ningi.

Oshilalakanenua shandje osho okuhanganica uujuni auhe omeitaalo limue ngashi kua njolua 1Kor. 8: 5-6.

Tandi galikana Kalunga a kuce po eitaalo alihe ljiifundja, je a hanganice ajehe meitaalo limue lhashili oljopaKalunga. Amen.

ONDA HENUKILE!

Epapuduko ola eta oujelele nehalo lokulongela Kalunga.

Efiku limue onda diladila, kutja, Kalunga ota dimbula nge nee, moshilonga shilipi po. Omuaa ta ti: „Omuuange ua kondja ua loloka. Ila u je metulumuko.“ Otashi dulika tuu, ndi lombuelue: „Tulumukua, tulumukua,“ ame inandi longa nando sha?

Oihuna nokuli. Onda tuminue momupepo ua Kalunga omu nda li ndi nokupangelelua etemo ndi ka lime mepja la Kalunga. Ndele, onda henuka mo, manka etemo inali pangelua nokuli. Okua li ne ndi shi etemo la fjalelela momupepo, nokutja, ngeno elo-ngo la fjala moskola, eshi nda henuka mo. Nda li ndi shi nki na vali oshilonga shokulonga, shimpa ashike hai kalele Kalunga.

Ndele oudiinini ua Kalunga kau shi kujelekua nasha. Ina efa etemo lange li kale ngaho. Oje okue li toola po ta landula nge, no ta amene nge koiponga, nande onda henukile ngaha nalenale meedula dinja. Fijo okefiku olo je muene a pendula odjulufi joku mu longela.

Hano oshinima eshi osha tukulukila nge momuenjo uange. Ndele inashi hala okumuena. Odjulufi ja tja ngaha oja huama unene. Ndele onde shi njikila oluhodi oule uefiku limue netata, ndi na omukemo momuenjo. Shashi ndi shi shi efimbo lounjasha la ja nale la tuka po filu. Mokukala ngaha onda mona ondu- nge ipeelega momuenjo mu! Kalunga nke e tu pa oludalo letu meumbo. Ondunge ipe tai lombuele nge: Ounona ava nda peua ouo oshimpungu sha Kalunga mepja laje. Kalunga ta teelega oilja ja longua naua ja helelua. Je e uje a teje oilja jaje muene.

Opefimbo tuu olo nda didilika, kutja, mboli name onda pangelelua etemo nonde li peua nokuli peke. Nki dulu vali okuhenuka. Meme, onda tila nokuli, nge nda henuka vali, pamue noshimpungu eshi sha Tate tashi i pamue name mouii. Nda tila shili! Ohai hambelele Kalunga e hole nge. Oje omuuliki meputado!

Omuhenuki omukuetu, oua pula tuu oshilonga shoje mepja la Kalunga te shi ku

pe, nande oua henuka? Ile ino kongu natango Jesus ou a fila ovalunde? Ovakuetu amushe, oilonga ei mukuete oja Kalunga tuu! Oua pula tuu omuene uoilonga joje je e ku uilike jo?

Jesus okua njumukila ovalunde ve lidilulule. Ota jandje oshilonga shaje nokoingone. „Jesus okua pula Petrus lutatu: Ou hole nge tuu? Oje okue mu lombuele: Lifa eedi dange!“ Joh. 21:15-17.

J. Nd. Nkifindaka.

OOHAPU DOMUPANGELI GUETU.

Omupangeli (Administrateur) gua Suidwes-Afrika, omusamanè A. J. R. van Rhijn okua li mejapulo ljongerki jaanduisi kOkahandja eti 7 lja Desember 1952 nokua popi uo moshituci shoka. Mpaka tua hala tu lundulule oohapu de dimue ngashi tue di aada moshifo sha „Heimat“. Ano omupangeli guetu okua ti:-

Otu li muujuni tau simaneke iishitua. Iinima juujuni oji itumbu pombanda, manga mbjoka jokomuenjo otaji shundulua pahi. Aantu juujuni uongashingeji itaa diladila ue ekumagido ljonaale tali ti: „Omuntu iha hupicua koshikuiila ashike.“ Onkee naapangeli uo juujuni itaa kongo ue uuanaua uilongo jauo mepepaleko ljiigwana jauo, ondjoka ljokomuenjo noljomeni, ihe otaje u kongo moonkondo domatati nomehumokomeho ljago. Ja fa inaa itaala ue ehupico li kale moshikaha shOmushiti omunandunge guegulu noguevi, ihe miitopica jooatomi ania. Sho shi li ngaaka, itashi tu kumica ue, ngele aantu otaa kulukile luo kolumbogo luomuule nevundakano ljauo tali indjipala ashike. Nandi tumbule mpaka meifupipiko alihe kutja oluhepo nehaluko oli nokukoka natango, ngele aantu taa kala ja kuatua kediladilo ndjoka kutja taku pumbiua iita iipe opo uuinaji ua mbjoka ja ji u dimue po.

Pecimbo ndika ljomatenguko otu nompito jimue ajike. Ojo ndjika: iiguana juujuni oji nokugalukila meitaalo. Oljo uuciga uetu uunene tue u cigulula kookuku. Iinima jopambepo oji nokupeua eha ljajo lja simana moshiguana kehe, Isheue nisheue otu nokudimbulula, nkene oonkondo detu kadi li momatati, ihe odi li muuanaua uopambepo, omboka ualuluhe.

Osho oshinima sha kola, kutja eitaalo ljopakriste oljo omukanka nkoka kua tungilua oondunge detu adihe. Ngele omukanka nguka tagu jonua, nena etungo ndika alihe ljoondunge noljuunongo oli nokukumuka po. Uunongo uaa neitaalo kau nejambeko lja guana; ou na oshiponga. Uunongo uaa na ko na sha na Kalunga tau hanagula po aantu na ashihe shoka je shi na, manga uunongo u nekuatacano neitaalo ou nokueta elago nejambeko.

Mokukondjica uukeenakonashanakalunga otu na oshikondjico shimue ashike - osho eitaalo ljopakriste. Ihe nena oli nokukala shili eitaalo, elongelokalunga ljashili, ondjoka tali holoka mokukalacana kuaantu akuhe, ha ukriste uomahini nenge uomeja, ha elongelokalunga ljopamoniko, ndjoka tatu li talica uuna tali tu oopalale, no tatu li shunicile isheue moshikeca, uuna osho she tu oopalala. Ukriste ua tja ngaaka itau fala omuntu kesindano mekondjo lje.

OLJE ANO TA KA HUPICUA?

Oje ngoka a jelicua. Onda dimbulula nkene pokati komagalikano gandje nOmuua pu na ondundu o-

nene, ndjoka taji ga imbi ga cike ku Kalunga. Ondundu ndjoka ojo oondjo. Otseni aakriste (aakuakristus) otua peua oshindji k'Omuua, ihe nando ongeji, otse aanje moku shi longica. Omuua ngele te ja, ote ku ada nashike?

Megulu omu na aajengeli (aatumua) ojendji. ihe nando ongeji, Kalunga okua tumu Omuuana muujuni, opo e u kulile meso ljaaluhe noku u mangelule momapando agehe ga satana. Olje a kulilua? Hangame nangoje? Otse ohatu dimbua ekulilo ljetu nohatu kala panjama. Ombepo ja Kalunga ohe tu kongo kehe esiku, e tu galulile kOmukulili guetu. Ihe mokukala kuetu tua hokua uujuni, otue mu nikica uucigua, oniilonga mbika jetu iilulu. Omukuetu, omukulu guonale ota ti: „Ondjamba jimue kaji tsinina kantisi.“ Ano ngele katu nOmbepo ja Kalunga nena katu na shoka tatu vulu oku shi ninga. Omuua Jesus ota pula oshinima shimue ashike mutse, osho eitaalo. Luk. 7: 96. Ota mono mo tuu eitaalo mungoje? Oku li po a hala oku tu shitulula, onke natu mu pe ompito moomuenjo detu, je a vule okukuca mo uukulunkalo uetu, e tu ninge aashitua aape.

Samuel Jona.

PEHA LINI U LI NGASHINGEJI?

Ngiika ou li po ua loloka okupulua omapulo. Eeno, okupula ha uugoja ndi shi? Ihe uunene sho tuu tua mono oshinima osh nene omumvogu shoka tashi tu pe omapulo ogendji.

Osho oshike ano? Ombepo ja Kalunga. Ojo ndjoka taji holola omapulo ogendji ge vule naale. Oshoka okue tu joolola taa ningi oongundu ndatu. 1) Aapapuduki, 2) Aaikukutiki, 3) Aapagani.

Ngele to lesa Iil. 2:17-21, oto mono naana nkene aagundjuka taa profeta, nando taa popi iinima mbjoka taji holola uugoja momakutsi getu. Ihe osho uuprofeti ngaa. Oshoka ja kucua po uumbanda ukulu uauo noja tulua mohoole. 1 Joh. 4:18. Uumbanda kau mo mohoole. Lesa naana membo ljoje mune nokudiladila nokutala naua. Aantu ja tja ngaaka ojo ja mono shoka oluindji tue shi vukica momagalikano getu: „Omuua, tu pa Ombepo Ondjapuki!“ Nojo ja ningi ongundu ji ili uo shili, taji kondjo. Lesa Fil. 3:12.

Ongundu ontijaali taji sohoni nenge taji tila. Eps. 36:2-4. Nge ua lesa doka, oto mono naana oshiponga shoje osho okuholeka nokumueneka eiuvo ljoje ljoondjo. Mongundu ndjoka ongame uo omo nda kala mo. Ihe eiuvo ljandje ljuukukutu lja topa, no nda pepelelua. Na ngoje uo ila mongundu jotango. Oshoka tu na oondjila mbaali adike: jomuenjo noekano. Onke ou li peha lini oljuugoja mbono tau hempulula oondo? Eeno, mbono oja holola shono she ja pondo. Ja zi mo mongundu jaagoja noje u ku cigile ano. 1 Joh. 1:6.

Omukuetu, tu je ku Jesus.

Thomas Nakanjala.

EPAPUDUKO MUUKUAMBI.

Aakuambi jamue oja li moshigongi shaasita mo-niipa mu April, onke ja zi ko je nondjuulukue ndjoka. Muaamboka ja jile miigongi kEngela oje eta uo uunenguni mboka, ihe epapuduko ljo ljene olja tameke 3 Augustus omumvo 1952.

sus. Mokutaale'a Jesus oto tameke oku mu fa, sigo ookuume koje uo taa dimbulula mu ngoje oshifeca she.

Kala omujapuki. Kalunga ne ku kuatele komeho. Ino tameka oku mu tetekela, ihe mu landula aluhe, nge menjanju, nge moluhodi. Tala ku je ngu inekele oohapu de.

Kala omuj puki. Ka'a u nombili momuenjo guoje. Ka'unga na pangele ediladilo kehe neuuvito kehe mu ngoje. Cmbapo je Ondjapuki ote ku fala koocicija dohoole, sigo oto guana oku mu kalela muukualuhe.

(Pashiteuo sha W. D. Longstaff.)

ETSEJICO.

Omudohtora guokOndangua, Dr. Jones, ta hala okutseja uuvu uendambi u cike peni u li mOua-mbo, opo a tseje okukongela aantu omuti gua guana. Onke ano ngele ku noshinamuenjo tashi limbililua shi nendambi, nashi joololue niinamuenjo iikuauo, shi ikalelele sigo omudohtora te shi konakona. Oshinamuenjo ngele tashi dipagua, nashi pungulue manga, ongoje no to endelele shili okutuma elaka kOndangua. Opo ihe omudohtora muene nenge omutumua gue te ja okukonakona, uuvu ngele shili uendambi. Ano omutse guoshinendambi ngoje muene ito pumbua ue oku shi fala kOndangua.

Etsejico ndika nali igidue moongerki, naantu naje di diginine shili.

Onandjokue, eti 6 lja Februarie
Inkeri Saloheimo.

OHANGG JOMUKUANILUA

ja danua mOkaloko eti 29 lja Januarie numvo. Omukuanilua Eufas ija Johannes, omuna guomuene guoshilongo shaandonga a hokana Natalia ja Gebhard guokOkashandja. Oondjokana dauo sho da japulilua mongerki jokOlukonda komusitagongalo Pinehas Kambonde, ombushiki nomufuko oju uka kOnamungundo pamue niinkumbi nongundu onene jaajenda ja ka popicile ko jinakulu. Ongundu johango ja kajile maandja Gebhard. Komatango, etango sho lja li popapi nokuningina mo, ohango ja ciki kOkaloko. Aantu ja li po ojendji shili nuukambe ando 50. Aapangeli jiiilongo jaauambo konjala ajehe oko ja li: omboka jokUukuanjama na mboka jokuuninginino: jaakuambi, guaangandjera no guaakualuudi, nomalenga gamue uo. Nokuli kUushimba kua zi auambo jamue.

Ngashingeji aajenda ja shuna nokuli. Omukuanilua guaakuanilua ngele a li a hijua ko, aaicani je te a kalele sigo sigo noku ja laleka nuujamba.

OLUTENI

lua kala talu hepeke omavi gaauambo. Aakriste ja li haa kugu onkugo ku Kalunga. Oje nokue tu silohenda. Tse aandonga tua lokua 29 lja Januarie. Nokuza mpoka tua lokua naua sigo ongashingeji. Inatu dimbueni oku mu hambelelela omagano ge gesilohenda.

MOKRISMESA JA JI

Omukuanilua Juliana,
omuleli guoshilongo sha Holland a leshele aacigona je evangeli ljokrismesa. Okulesha kue oku uvika kaantu ajehe shaa tuu ja pulakene, oshoka okua leshele mu radio.

Elisabeth, Omukuanilua gua England ha leshele Ombibeli ti ikalele kehe tuu esiku.

Omujapostoli Paulus ta ti: „-- -- hajendji aajamba, hajendji ja valekeka -”

Ihe, Kalunga na hambelelue, opu na tuu jamue je hole oohapu da Kalunga no maapangeli jiiilongo iine ne nokuli.

OMULELI GUOSHILONGO SHAAISRAEL

President Weizmann

a mana oondjenda mu November omvogu. Oje okua li omupangeli omunandunge, a tseja okulela naua oshilongo she oshigundjuka. Shaa shoka kui sha li eliko lje - ngashi a li nale omulongi a simana moskola jokombanda - okue shi cigi po a uape okujakula aajuda oojakuauo mboka ja zile mehalakano no je ja moshilongo sha Israel. Oje okua li omupangeli guotango guoshilongo shaaisrael o hipa.

MAART.

Jak. 1:2-8. Mark. 9:14-29. 2 Mos. 14:13-15.

- 1 S. Os. 2 jomeidiliko.
- 2 M. Joh. 7:14-18. Luk. 17:11-19.
- 3 D. Iil. 5:17-29. Luk. 17:20-25.
- 4 W. 1 Sam. 3:1-10. Luk. 17:26-37.
- 5 Do. Jer. 20:7-13. Luk. 18:1-8.
- 6 V. Heb. 5:4-10. Luk. 18:9-14.
- 7 Sa. Mat. 21:33-46. Luk. 18:15-17. Jer. 26:1-15.

Ehol. 15:2-4. Luk. 4:31-37. Sak. 3:1-5.

- 8 S. Os. 3 jomeidiliko.
- 9 M. 1 Petr. 1:13-21. Luk. 18:31-43.
- 10 D. Mark. 6:7-13. Luk. 19:1-10.
- 11 W. Joh. 10:17-25. Luk. 19:11-28.
- 12 Do. Iil. 18:1-11. Luk. 19:29-40.
- 13 V. 1 Kor. 4:9-16. Luk. 19:41-48.
- 14 Sa. Jes. 49:1-6. Luk. 20:1-8, 41-44. Jes. 52:7-10.

Iil. 5:38-42. Joh. 6:52-71. 2 Mos. 16:11-21.

- 15 S. Os. ji li pokati meidiliko.
- 16 M. Joh. 6:22-29. Luk. 20:20-26.
- 17 D. 1 Aakuan. 19:1-8. Luk. 20:27-44.
- 18 W. Mark. 12:28-34. Luk. 20:45-21:4.
- 19 Do. Joh. 6:47-59. Luk. 21:5-19.
- 20 V. Joh. 12:20-26. Luk. 21:20-38.
- 21 Sa. Joh. 8:21-30. Luk. 22:1-6. 4 Mos. 21:4-9.

2 Tess. 3:1-5. Joh. 8:31-45. Jes. 50:4-11.

- 22 S. Os. 5 jomeidiliko.
- 23 M. Heb. 7:23-27. Luk. 22:24-30.
- 24 D. Joh. 7:1-13. Luk. 22:31-38.
- 25 W. Ehol. 21:1-7. Luk. 1:46-55. Jes. 35:1-4.
- 26 Do. Heb. 10:1-10. Luk. 22:47-53.
- 27 V. Joh. 11:47-54. Luk. 22:54-62.
- 28 Sa. 2 Mos. 32:30-34. Luk. 22:63-71. Sak. 9:8-12.

Ehol. 14:1-5. Luk. 22:14-22. Eps. 111.

- 29 S. Os. jiijaale.
- 30 M. Jes. 50:5-10. Eps. 22:23-32.
- 31 D. Heb. 9:16-28. Luk. 23:1-12.